

Вход Господень во Иерусалим

Канон: Творение господина Космы, егоже краегранесие: Осанна Христос евлогименос Феос. Глас 4.

Песнь 1.

{Ω} Ирмос: Явишася истóчницы бѣзды, / влаги непричастны, / и открьшася мóря волнующася основáния бурею, / мánием бо запретил еси́ ему́, / изрядныя же лю́ди спасл еси́, / пою́щия побѣдную песнь Тебѣ, Гóсподи.

{Σ} Из уст младенец незлóбивых и ссущих, / хвалу́ Твои́х раб совершил еси́, / разрушити супостáта, / и отмстити страстию Крестá, падѣние дрѣвняго Ада́ма, / дрѣвом же воскресити сегó, / пою́ща побѣдную песнь Тебѣ, Гóсподи.

{Α} Хвалѣние Цѣрковь преподóбных, / живущему в Сиóне, Тебѣ, Христѣ, принóсит, / о Тебѣ же Изра́иль, Творце́ своѣм, радуется, / и гóры язЫцы противополо́бнии каменосердѣчнии, от лица́ Твоегó возвеселишася, / пою́ще побѣдную песнь Тебѣ, Гóсподи.

Катавасия: Явишася истóчницы:

Песнь 3.

{N} Ирмос: Точáщий, краесекóмый повелѣнием Твои́м, / твѣрдый ссáша Кáмень изра́ильтестии лю́дие. / Кáмень же Ты еси́, Христѣ и Жизнь, / на Нѣмже утверд́ся Цѣрковь, зову́щая: / осанна, благословѣн еси́ Грядýй.

{N} Мертвеца́ четвероднѣвна повелѣнием Твои́м, / из мѣртвых с трѣпетом ад испуст́и Лázаря. / Воскресѣние бо Ты, Христѣ и жизнь, / в Нѣмже утверд́ся Цѣрковь зову́щи: / осанна, благословѣн еси́ Грядýй.

{Α} Воспойте, лю́дие, боголѣпно в Сиóне, / и молитву воздадите Христý во Иерусали́ме, / Сам грядѣт во слáве со óбластию: / в Нѣмже утверд́ся Цѣрковь зову́щи: / осанна, благословѣн еси́ Грядýй.

Ипакои, глас 6:

С вѣтвymi воспѣвше прѣжде, / с дрeвесы́ послед́и я́ша Христá Бóга, неблагода́рнии иудее. / Мы же вѣрою непрелóжною пр́сно почитáюще, / я́ко благодѣтеля, в́ну вопи́ем Ему́: / благословѣн еси́, Грядýй Ада́ма воззвáти.

Песнь 4.

{X} Ирмос: Христос грядýй – я́вственно Бог наш, / при́дет и не закосн́ит, / от горы́ приосенѣнныя ча́щи, / Отроков́ицы раждáющия Неискусомужныя, / прорóк дрѣвле глагóлет. / Тем вси вопи́ем: / слáва силе Твое́й, Гóсподи.

{P} Да тóчат весѣлие крѣпкое маст́ительное, гóры, и вси хóлми, / и дрeвá дубрáвная да взыгра́ют: / Христá хвалите, язЫцы, / и Тому́ вси лю́дие раду́ющася возопи́йте: / слáва силе Твое́й, Гóсподи.

{I} Кре́постию ца́рствуяй ве́ки Госпо́дь, облечён при́дет, / Сего́ красоты́ же и сла́вы, несравне́нно есть благоле́пие в Сио́не. / Те́мже вси вопи́ем: / сла́ва си́ле Тво́ей, Го́споди.

{Σ} Пя́дию изме́ривый небо, длáнию же зéмлю, / Госпо́дь при́де, Сио́н бо избра́, / в нёмже жи́ти и ца́рствовати изво́ли, / и возлю́би лю́ди ве́рно вопи́ющия: / сла́ва си́ле Тво́ей, Го́споди.

Песнь 5.

{Т} Ирмос: *На го́ру Сио́н взы́ди, благовеству́яй, / и Иерусали́му пропове́дуяй, / в кре́пости вознеси́ глас: / пресла́вная глаго́лашася о Тебе́, Гра́де Бо́жий, / мир на Изра́иля и спасе́ние язы́ком.*

{O} В вы́шних седя́й на херувимех Бог, / и призира́яй на смире́нныя, / Той грядёт во сла́ве со о́бластью, / и испо́лнятся вся́ческая Божéственныя хвалы́ Его́. / Мир на Изра́иля и спасе́ние язы́ком.

{Σ} Сио́не Бо́жий, горó святáя, и Иерусали́ме, / о́крест о́чи тво́й возведи́ и виждь / со́бранная ча́да тво́я в тебе́, / се бо приидо́ша издалéча, поклони́тся Царю́ тво́ему. / Мир на Изра́иля и спасе́ние язы́ком.

Песнь 6.

{E} Ирмос: *Возопи́ша с весéлием пра́ведных дýси: / ны́не ми́ру Завет Но́вый заве́щается, / и кроплéнием да обновя́тся лю́дие, Бо́жия кро́ве.*

{Y} Приими́ Изра́илю Бо́жие ца́рство, / и пребывáяй во тьме, свет да ўзрит вели́кий, / и кроплéнием да обновя́тся лю́дие, / Божéственныя кро́ве.

{Λ} Разре́шены сво́я ю́зники Сио́не испусти́, / и от ро́ва неведения безво́дна изведи́, / и кроплéнием да обновя́тся лю́дие, / Божéственныя кро́ве.

Кондак, самогласен, глас 6:

На престóле на Небесí, / на жребя́ти на землi носимый, Христé Бо́же, / Ангелов хвалéние / и дете́й воспева́ние прия́л еси́, зову́щих Ти: / благословéн еси́, Грядый Ада́ма воззва́ти.

Икос: Поне́же а́да связáл еси́ Безсме́ртне, / и смерть умертвил еси́, / и мир воскреси́л еси́, / с ва́иами младе́нцы восхваля́ху Тя, Христé, я́ко победите́ля, / зову́ще Ти днесь: осáнна Сы́ну Дави́дову. / Не ктому́ бо, рече́, заклáни б́дут младе́нцы, за Младе́нца Мари́ина, / но за вся младе́нцы и ста́рцы, Еди́н распина́ешися. / Не ктому́ на нас вмести́тся меч: / Тво́я бо ре́бра прободу́тся копи́ем. / Те́мже раду́ющеся глаго́лем: / благословéн грядый Ада́ма воззва́ти.

Песнь 7.

{O} Ирмос: *Спасый во огни́ Авра́амския Тво́я о́троки, / и халде́и убив, / я́же Пра́вда пра́ведно уловля́ше, / препéтый Го́споди, / Бо́же оте́ц на́ших, благословéн еси́.*

{Г} Покланя́ющеся лю́дие, / и со учени́ки раду́ющеся, с ва́ием, / осáнна Сы́ну Дави́дову зовя́ху: / препéтый Го́споди Бо́же оте́ц, благословéн еси́.

{Н} Неискусозлѡбное мно́жество, ещѣ младѣнствующее естество, / Боголѣпно Тя, Царю́ Израильтеский и А́нгельский, воспѣт: / препѣтый Гѡсподи Бѡже отѣц, благословѣн еси́.

{М} С ва́ием Тя, Христѣ, вѣтвьми похваля́ху мно́жества, / благословѣн прише́дый Царь веко́в. / Вопи́яху же: препѣтый Гѡсподи Бѡже отѣц, благословѣн еси́.

Песнь 8.

{Е} **Ирмос:** *Весели́ся, Иерусали́ме, торжествуйте, лю́бящи Сио́на, / Ца́рствуяй бо во ве́ки Господь Сил при́иде. / Да благоговѣет вся земля́ от лица́ Егѡ, / и да вопи́ет: / благослови́те вся дела́ Господня́, Гѡспода.*

{Н} На жребя́ младо всед Царь твой, Сионе, / предста́ Христос: безсловѣсную бо и́дольскую прѣлесть разруши́ти, / и неудержанное стремлѣние уста́вити всех языкъ при́иде, во е́же пѣти: / вся дела́, пойте Гѡспода.

{О} Бог твой, ра́дуйся, Сионе, зело́, / воцарися во ве́ки Христос. / Сей, я́коже пи́сано есть, кро́ткий и спаса́яй, / пра́ведный Изба́витель наш, при́иде на жребя́ти, / ко́нское свирѣпство уби́ти враго́в, не вопи́ющих: / благослови́те вся дела́ Господня́, Гѡспода.

{Σ} Оскудева́ет Божѣственных ограждѣний, / законопресту́пное со́нмище непокоривых, / понѣже дом моли́твы Бѡжия, верте́п сотвори́ша разбо́йническ, / от се́рдца Изба́вителя отрину́вше, Емуже вопи́ем: / благослови́те вся дела́ Господня́, Гѡспода.

Песнь 9.

{Θ} **Ирмос:** *Бог Господь и явися нам. / Составите пра́здник, / и веселя́щися приидите, возвели́чим Христа́, / с ва́иями и вѣтвьми, пѣсньми зову́ще: / благословѣн Гряды́й во и́мя Гѡспода, Спа́са на́шего.*

{Е} Язы́цы вску́ю шата́етесь? / Пи́сменницы, и свяще́нницы, почто́ тщѣтным поучи́теся? / Кто Сей, ре́кше, / Емуже де́ти с ва́ием и вѣтвьми, пѣсньми зову́т: / благословѣн гряды́й во И́мя Гѡспода, Спа́са на́шего.

{О} Сей Бог наш, Емуже никто́же подо́бен, / пра́ведный всяк путь изобре́т, даде́ возлю́бленному Изра́илю. / По сих же с челове́ки поживе́ явлься: / благословѣн гряды́й во И́мя Гѡспода, Спа́са на́шего.

{Σ} Собла́зны стези́, что близ вас положи́сте непокоривии?/ Но́ги ва́ша ско́ры кровь изли́яти Влады́чню, / но воскреснет вся́ко спасти́ зову́щия: / благословѣн гряды́й во И́мя Гѡспода, Спа́са на́шего.